

ԵՎՐԱՅԱՆՁՆԱԺՈՂՈՎԻ ԶԵԿՈՒՅՑԻՑ

ԵՎՐԱՄԻՈՒԹՅԱՆ ԱՆԴԱՄԱԿՑՈՒԹՅԱՆ ՀԱՄԱՐ
ՎՐԱՍՏԱՆԻ ԸՆԴՀԱՆՈՒՐ ՊԱՏՐԱՍՏՎԱԾՈՒԹՅԱՆ
ՄԱԿԱՐԴԱԿԸ ԲԱՎԱԿԱՆ ԲԱՐՁՐ Է



Եվրամիության գործադիր մարմին Եվրահանձնաժողովը զեկույց է հրապարակում Վրաստանի՝ Եվրամիությանն անդամակցելու դիմումի, Եվրահանձնաժողովի 12 հանձնարարականների կատարման ընթացքի վերաբերյալ: ԵՄ գործադիր մարմնի զեկույցը ներառում է մի քանի ոլորտներ, մասնավորապես՝ արդարադատություն, ներքին շուկա, մրցակցային քաղաքականություն, կանաչ քաղաքականություն, գյուղատնտեսություն և արտաքին հարաբերություններ: Եվրահանձնաժողովի զեկույցը, յուրովի հանրագումարում է Վրաստանի կողմից եվրահանձնաժողովին ծանապարհի տարբեր ոլորտներում իրականացված բարեփոխումները, նշում բացթողումներն ու թերացումները:

Եվրահանձնաժողովի զեկույցի «Արդարադատություն» գլխի ամփոփման մեջ նշվում է, որ Վրաստանն ունի որոշակի պատրաստվածության մակարդակ արդարադատության, ազատության եւ անվտանգության ոլորտում ընդհանուր իրավունքների ու պարտավորությունների իրականացման համար: Երկիրն ունի մի քանի ռազմավարություն՝ կապված ահաբեկչության եւ միգրացիայի հետ: Որոշ ոլորտներում օրենսդրությունը, հատկապես օտարերկրացիներին եւ ապաստանին վերաբե-

րող, հիմնականում համահունչ է ԵՄ օրենսդրությանը, սակայն ինստիտուցիոնալ համագործակցությունն ու համակարգումը թույլ են: Արդյունքում, իրականացումը երբեմն անբավարար է լինում:

Ձեկույցն ունի առանձին գլուխ՝ մվիրված ֆինանսական վերահսկողությանը, որտեղ գրված է, որ «Պետական ներքին ֆինանսական վերահսկողության մասին» օրենքը համարժեք հիմք է պետականությանը (Շարունակությունը՝ 4-րդ էջում)

ՀԱՄԱԳՈՐԾԱԿՑՈՒԹՅՈՒՆ

ՎՐԱՑ-ԱՎԱՏՐԻԱԿԱՆ ԲԱՐՁՐ ՄԱԿԱՐԴԱԿԻ ՀԱՆԴԻՊՄԱՆԸ
ՀԱՆՐԱԳՈՒՄԱՐՎԵՑԻՆ ԵՎՐԱԻՆՏԵԳՐՄԱՆ ԵՎ ԵՐԿԿՈՐՄ
ՀԱՐԱԲԵՐՈՒԹՅՈՒՆՆԵՐԻ ՀԱՐՑԵՐԸ

Հունվարի 30-31-ը պաշտոնական այցով Վրաստանում էր գտնվում Ավստրիայի դաշնային կանցլեր Կառլ Նեհամերը: Այցի շրջանակներում, Ավստրիայի բարձրաստիճան հյուրը հանդիպումներ ունեցավ Վրաստանի վարչապետ Իրակլի Դարիբաշվիլու, նախագահ Սալոմե Ջուրաբիշվիլու, խորհրդարանի նախագահ Շավա Պապուաշվիլու հետ, այցելեց դիմակայության գոտում գտնվող Օձիսի անցակետ:

Վրաստանի կառավարությունում հյուրի պաշտոնական դիմավորման արարողությունից հետո, կայացավ Վրաստանի վարչապետ Իրակլի Դարիբաշվիլու եւ Ավստրիայի դաշնային կանցլեր Կառլ Նեհամերի առանձնագրույցը, որին հաջորդեցին երկու երկրների պատվիրակությունների լիակազմ բանակցությունները:

Հանդիպման արդյունքները հանրագումարվե-



(Շարունակությունը՝ 2-րդ էջում)

ԱՐՏԱՀԱՅՏՎԵՑ ՎՐԱՑ-ՄՈՂՈՎԱԿԱՆ ՀԱՄԱԳՈՐԾԱԿՑՈՒԹՅԱՆ
ԽՈՐԱՅՄԱՆ ՊԱՏՐԱՍՏՎԱՄՈՒԹՅՈՒՆ

Հունվարի 31-ին Վրաստանի վարչապետ Իրակլի Դարիբաշվիլին հանդիպում ունեցավ պաշտոնական այցով Վրաստանում գտնվող Մոլդովայի վերահստեղծման հարցերով փոխվարչապետ Օլեգ Սերեբրիանի հետ:

Հանդիպմանը քննարկվեցին երկու երկրների համագործակցության հիմնական ուղղությունները: Ընդգծվեց երկու երկրների համապատասխան գերատեսչությունների հաջող համագործակցությունը:

Կողմերը, անդրադառնալով հակամարտությունների թեմա (Շարունակությունը՝ 2-րդ էջում)

ցությունը տարբեր ուղղություններով: Պատրաստականություն հայտնվեց է՝ ավելի խորացնել առկա արդյունավետ համագործակցությունը:

Կողմերը, անդրադառնալով հակամարտությունների թեմա (Շարունակությունը՝ 2-րդ էջում)

ԷԿՈՆՈՄԻԿԱ

ԼԱՇԱ ԽՈՒՑԻՇՎԻԼԻ. «ԵՐԿՆԻՇ ՏՆՏԵՍԱԿԱՆ ԱՃՆ ԱՐՏԱՀԱՅՏՎՈՒՄ
Է ՆԱԵՎ ԶԲԱՂՎԱԾՈՒԹՅԱՆ ՄԱԿԱՐԴԱԿՈՎ»



Ինչպես հայտարարեց Վրաստանի ֆինանսների նախարար Լաշա Խուցիշվիլին, երկու տարվա ընթացքում գրանցվել է երկնիշ տնտեսական աճ, որն արտահայտվում է նաեւ զբաղվածության մակարդակում:

Ներկայացնելով Ազգային վիճակագրական վարչության անցյալ տարվա դեկտեմբերի նախնական տվյալները՝ ըստ որի, նա-

խորդ տարվա համապատասխան ժամանակահատվածի համեմատ, իրական համախառն ներքին ատադրանքի (ՀՆԱ) աճը կազմել է 11,0 տոկոս, իսկ 2022 թվականի միջին իրական աճը սահմանվել է 10,1 տո-

(Շարունակությունը՝ 3-րդ էջում)

ՀԱՅԱՍՏԱՆ

ԼՐԱՑԱՎ ՀԱՅՈՑ ԲԱՆԱԿԻ
ԿԱԶՄԱՎՈՐՄԱՆ 31 ՏԱՐԻՆ

Հունվարի 28-ին լրացավ երկրի զինված ուժերի կազմավորման 31 տարին:

Բանակի օրվա առիթով Հայաստանի վարչապետ Նիկոլ Փաշինյանը, Հայաստանի նախագահ Վահագն Խաչատուրյանի, Ազգային ժողովի նախագահ Ալեն Սիմոնյանի եւ երկրի բարձրագույն ղեկավարության



հետ, այցելեց «Եռաբլուր» զինվորական պանթեոն, հարգանքի տուրք մատուցեց իրենց կյանքը Հայրենիքի անկախության համար զոհաբերած հայորդիների հիշատակին:

Վարչապետը ծաղիկներ խոնարհեց Սպարապետ Վազգեն Սարգսյանի, Անդրանիկ Օզանյանի շիրիմներին եւ ծաղկեպսակ դրեց զոհված ազատամարտիկ-

ների հիշատակը հավերժացնող հուշահամալիրին:

Հայաստանի զինված ուժերի կազմավորման 31-րդ տարեդարձի կապակցությամբ Ամենայն Հայոց Կաթողիկոս Գարեգին Երկրորդը այցելեց «Եռաբլուր» զինվորական պանթեոն, հարգանքի տուրք մատուցեց հայրենիքի համար կյանքը տված նահատակների հիշատակին:

ԴԻՎԱՆԱԳԻՏԱԿԱՆ

ՔՆՆԱՐԿՎԵՑԻՆ ԵՎՐԱՄԻՈՒԹՅԱՆ ՀԵՏ
ՎՐԱՍՏԱՆԻ ԵՎ ՀԱՅԱՍՏԱՆԻ
ՀԱՄԱԳՈՐԾԱԿՑՈՒԹՅԱՆ ՀԱՐՑԵՐԸ

Փետրվարի 1-ին Վրաստանի արտաքին գործերի փոխնախարար Թեյմուրազ Ջանջախան հանդիպում ունեցավ Վրաստանում Հայաստանի արտակարգ եւ լիազոր դեսպան Աշոտ Սմբատյանի հետ:

Հանդիպմանը կողմերը մտքեր փոխանակեցին Եվրամիության հետ Հայաստանի եւ Վրաստանի համագործակցության, ինչպես նաեւ Արեւելյան գործընկերության ձեւաչափում Հայաստանի եւ Վրաստանի միջեւ փոխգործակցության վերաբերյալ:

Հայաստանի դեսպանը ներկայացրեց Ադրբեյջանի կողմից Լաչինի միջանցքի ածորմական արգելափակման հետեւանքով ԼՂ-ում առաջացած հումանիտար ճգնաժամի մանրամասները:



ԵԿԵՂԵՑԱԿԱՆ

ՎԻՐԱՀԱՅՈՑ ԹԵՄԻ ԱՌԱՋՆՈՐԴ ՄԱՍՆԱԿԵՑ
«ԿԱՌՈՒՅԻՐ ՎՐԱՍՏԱՆԸ» ԿՐՈՆԱԿԱՆ ԽՄԲԻ
ԱՇԽԱՏԱՆՔԱՅԻՆ ՀԱՆԴԻՊՄԱՆԸ

Փետրվարի 2-3-ը Բաթումիում անցկացվեց IRI GEOGIA ինստիտուտի «Կառուցողիկ Վրաստանը» կրոնական խմբի աշխատանքային հանդիպումը:



Հանդիպմանը երկրում գործող կրոնական այլ ուղղությունների ներկայացուցիչների հետ միասին մասնակցեցին Վիրահայոց թեմի առաջնորդ Տեր Կիրակոս վարդապետ Դավթյանը եւ Քվեմո Քարթ-

լիի տարածաշրջանի հայոց եկեղեցիների հոգեւոր հովիվ Տեր Զավեն վարդապետ Յազիչյանը:

Հանդիպման նպատակն է տարբեր միջոցներով կանխել եւ կրճա-

(Շարունակությունը՝ 2-րդ էջում)

ՀԱՄԱԳՈՐԾԱԿՑՈՒԹՅՈՒՆ

ՎՐԱՅ-ԱՎԱՍՏՐԻԱԿԱՆ ԲԱՐՁՐ ՄԱԿԱՐԴԱԿԻ ՀԱՆԴԻՊՄԱՆԸ ՀԱՆՐԱԳՈՒՄԱՐՎԵՅԻՆ ԵՎ ԵՐԿԿՈՂՄ ՀԱՐԱԲԵՐՈՒԹՅՈՒՆՆԵՐԻ ՀԱՐՅԵՐԸ

(Սկիզբը՝ 1-ին էջում)

ցին Իրակլի Դարիբաշվիլու և Կառլ Նե-
համերի համատեղ մամլո ասուլիսում:
Նշվեց, որ հանդիպմանն հատուկ ուշ-
ադրություն հատկացվեց եվրաինտեգր-
ման գործընթացի շրջանակներում Վրաս-
տանի կողմից Եվրահամձեռնաժողովի 12

համձեռնարարականների կատարմանը,
երկու երկրների միջև տնտեսական հա-
րաբերությունների խորացմանը, առա-
ջիկա համագործակցության հեռանկար-
ների մշակմանը: Ավստրիայի դաշնա-
յին կանցլերը կրկին ընդգծեց Եվրակա-
ռույցներին Վրաստանի անդամակցու-
թյան հարցում աջակցության պատրաս-

տականությունը:
Եվրամիության դիտորդական առա-
քելության ղեկավարի պաշտոնակատար
Թիբոր Կոզման դիմակայության գոտու
Օձիսի անցակետում հյուրընկալեց Ավստ-
րիայի դաշնային կանցլեր Կառլ Նեհա-
մերի գլխավորած ավստրիական պատ-
վիրակությանը:

ԱՐՏԱՀԱՅՏՎԵՅ ՎՐԱՅ-ՄՈՒՂՈՎԱԿԱՆ ՀԱՄԱԳՈՐԾԱԿՑՈՒԹՅԱՆ ԽՈՐԱՅՄԱՆ ՊԱՏՐԱՍՏԱԿԱՄՈՒԹՅՈՒՆ

(Սկիզբը՝ 1-ին էջում)

յին, ընդգծեցին դրանց խա-
ղաղ կարգավորման կարելու-
րությունը: Վրաստանի և Մու-
ղովայի փոխվարչապետերը
հաստատեցին իրենց ամուր
փոխադարձ աջակցությունը
երկու երկրների ինքնիշխա-
նության և տարածքային ամ-
բողջականության հարցերում:
Զրույցի ընթացքում անդ-
րադարձան նաեւ ասոցաց-

ված եռյակի երկրների Եվրա-
միությանը ինտեգրվելու գոր-
ծընթացին:
Քննարկվեցին տարածաշր-
ջանի ու աշխարհի անվտան-
գության միջավայրն ու մար-
տահրավերները, ընդգծվեց
առկա մարտահրավերների
հաղթահարման ուղղությամբ
համատեղ ջանքերի կարեւո-
րությունը:
Այցի շրջանակներում, Մու-
ղովայի վերաինտեգրման

հ ա ր ց ե ռ ը Վ
փ ո խ վ ա ր չ ա -
պ ե տ Օ լ Ե գ Ս ե-
ր ե բ ի հ ա ղ հ ա մ-
դ ի պ լ ու մ ու ն ե-
ց ա վ խ ո ղ հ ռ ա-
գ ա հ Շ ա լ վ ա
Պ ա պ լ ո ա շ վ ի-
լ ու, Վրաստա-
նի էկոնոմիկա-
յի և կայուն
զարգացման նախարար Լեւ-

ան Դավիթաշվիլու հետ:



ԳՆԱՀԱՏՈՒՄ

ԻՐԱԿԼԻ ԿՈՒԲԱԽԻՉԵՆ՝ ԻՄՊԱՆԱԿԱՆ ԱՐԱՆԱՅԻ ՀԻՄՆԱԴՐԱՄԻ ՊԱՐԳԵՎԻ ԴԱՓՆԵԿԻՐ



«Վրացական երազանք» կառավարող կուսակցության նախագահ Իրակլի Կոբա-
խիձեն և խորհրդարանի նույն կուսակցության պատվիրակ պատգամավորները աշ-
խատանքային այցով ժամանեցին Իսպանիայի Բասկերի երկիր:

Բասկերի մայրաքաղաք Բիլբաոյում
«Վրացական երազանք» կուսակցության
նախագահ Իրակլի Կոբախիձենին շնորհ-
վել է Սաբինո Արանա հիմնադրամի բարձ-
րագույն պարգևը: Իրակլի Կոբախիձեն
պարգևատրվել է վրաց-բասկական բա-
րեկամության խորացման, ժողովրդավա-

րության և մարդու իրավունքների պաշտ-
պանության համար: Բասկերի երկիր այ-
ցի շրջանակներում, «Վրացական երա-
զանքի» նախագահ Իրակլի Կոբախիձեն
պատվիրակության անդամների հետ հան-
դիպել է Բասկերի իշխող կուսակցության
առաջնորդ Անդոնի Օրտուսարի հետ:

ՎՐԱՍՏԱՆ - ՀԱՅԱՍՏԱՆ

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ՝ ՖԻՆԱՆՍԱԿԱՆ ԳԵՐԱՏԵՄՉՈՒԹՅՈՒՆՆԵՐԻ ՄԻՋԵՎ

Փետրվարի 2-ին Վրաստանի ֆինանսների նախարարության քննչա-
կան ծառայության ղեկավար Սոսո Ռամիշվիլին, գերատեսչության այլ
ղեկավարների հետ, պաշտոնական այցով գտնվում էր Չայաստանում:

Այցի շրջանակներում, երկու երկրնե-
րի ֆինանսական գերատեսչությունների
ղեկավարների միջև տեղի են ունեցել
երկկողմ հանդիպումներ:
Կողմերը քննարկել են այնպիսի կա-
րեւոր հարցեր, ինչպիսիք են ֆինանսա-
տնտեսական ոլորտում կատարված հան-
ցագործությունների դեմ պայքարը, իրա-
վասության շրջանակներում ֆինանսա-
կան ու այլ տեսակի հանցագործություն-

ների կանխումը և այլն:
Ստորագրվել է փոխըմբռն-
ման հուշագիր: Փաստաթուղ-
թը ստորագրել են Վրաստա-
նի ֆինանսների նախարա-
րության քննչական ծառա-
յության ղեկավար Սոսո Ռա-
միշվիլին և Չայաստանի պե-
տական եկամուտների կոմիտեի հե-
տաքննության ու օպերատիվ հետա-



խուզության վարչության պետ Վահան
Զարխիֆալակյանը:

ԵԿԵՂԵՑԱԿԱՆ

ՎԻՐԱՀԱՅՈՑ ԹԵՄԻ ԱՌԱՋՆՈՐԴԸ ՄԱՍՆԱԿՅԵՅ «ԿԱՌՈՒՅԻՐ ՎՐԱՍՏԱՆԸ» ԿՐՈՆԱԿԱՆ ԽՄԲԻ ԱՇԽԱՏԱՆՔԱՅԻՆ ՀԱՆԴԻՊՄԱՆԸ

(Սկիզբը՝ 1-ին էջում)

տել մարդկային և մտավոր ամե-
նանձե կապիտալի՝ «ուղեղնե-
րի» արտահոսքը երկրից, վեր
հանել այն գործոնները, որոնք

օժանդակում են այդ գործընթա-
ցին, բացահայտել, թե ինչ նպա-
տակով են մարդիկ թողնում եր-
կիրը և մեկնում այլ վայրեր: Ներ-
կաների քննարկմանն են դրված
արտահոսքի հետևանքով երկ-

րի առջև ծառացած մարտահ-
րավերները, այդ գործընթացում
կրոնի և կրթության դերը:
Հարցերի քննարկումն ավար-
տելուց և օրվա աշխատանքն
ամփոփելուց հետո, կողմերի

միջև ստորագրվեց հուշագիր՝
փոխադարձ հարգանքի ու բա-
րի կամքի սկզբունքներով նա-
խագծի իրականացմանը մաս-
նակցության և համագործակ-
ցության մասին:

ՌՈՒՄ - ՈՒԿՐԱԻՆԱԿԱՆ ՌԱԶՄԱԿԱՆ ՀԱԿԱՄԱՐՏՈՒԹՅՈՒՆ. 345-ՐԴ ՕՐ

ԴԱՇՆԱԿԻՑՆԵՐՆ ՌԻԿՐԱԻՆԱՅԻՆ ԿՏՐԱՍԱԴՐԵՆ 140 ՏԱՆԿ

Առաջին փուլում Ուկրաինան դաշնակիցներից կատա-
նա 120-140 տանկ, հայտարարել է Ուկրաինայի արտա-
քին գործերի նախարար Դմիտրի Կուլեբան:

Նախարարը հույս ունի, որ բացի «Լեոպարդներից»,
«Զելենջերներից» և «Ալբրամսից», կլինեն նաեւ «Լեկ-
լերսներ»:

Ինչպես նշում է Կուլեբան, տանկային կոալիցիան մի-
ավորում է 12 երկիր, թեւս այս փուլում նա ձեռնպահ է
մնում դրանց անունները տալուց, քանի որ որոշ երկրներ
դեռ պետք է պաշտոնապես ընդունեն այդ որոշումը: Կու-
լեբայի խոսքով, Ուկրաինան շարունակում է աշխատել
տանկային կոալիցիայի ընդլայնման ուղղությամբ:

ՌՈՒՄ ՕԿՈՒՊԱՆՏՆԵՐԻ ԶՈՂԵՐԻ ԹԻՎԸ ՀԱՍՆՈՒՄ Է 130 ՀԱՁԱՐԻ

Ուկրաինական զինված ուժերի գլխավոր շտաբի տե-
ղեկատվությամբ, անցյալ տարվա փետրվարի 24-ից մինչ
օրս ուկրաինական զինուժերի կողմից սպանվել է 129
870 զինծառայող, ոչնչացվել է 3 215 տանկ, 6 388 զրա-
հատեխնիկա, 2 215 հրետանային համակարգ, 222 հա-
կաօդային համակարգ, 294 ինքնաթիռ, 284 ուղղաթիռ,
1 952 անօդաչու թռչող սարք, 18 ռազմանավ և այլ
տեխնիկա:

Ուկրաինական գլխավոր շտաբի տեղեկատվու-
թյամբ, պատերազմի 344-րդ օրը միայն սպանվել է
690 ռուս զինծառայող, ոչնչացվել՝ 4 տասնյակ ռազ-
մական տեխնիկա:

ՍՈՒԿՐԱՐԻՑ ՀԵՏՈ ՌՈՒՍԱԿԱՆ ԶՈՐՔԵՐԸ ՄՈՏԵՑԵԼ ԵՆ ԲԱԽՄՈՒՏԻՆ

Ինչպես տեղեկացրել է ռուսական զինված ուժերի գլ-
խավոր շտաբը, հունվարի 13-ին Սոլիդար քաղաքը գրա-
վելուց հետո, լուրջ նախադրյալներ են ստեղծվել առա-
վել խոշոր բնակավայրերի՝ Բախմուտի, Սլավյանսկի և
Կրամատորսկի զրավման համար: Դոնեցկի մարզի արեւ-
մուտքում գտնվող այդ քաղաքներով է անցնում ուկրա-
ինական զինուժի պաշտպանական գիծը:

Ռուսական շտաբի գլխավոր տեղեկատվությամբ,
մարտերում առանձնակի աչքի է ընկել «Վագներ» մասնավոր
ռազմական ընկերությունը:

Ըստ լրատվական գործակալությունների



ԻՐԱՆ

ՀԱՐԶԱԿՈՒՄ ԱՂՐԵՑԱՆԻ ԴԵՄՊԱՆԱՏԱՆ ՎՐԱ

Յունվարի 27-ին Թեհրանում Աղրեբջա-
նի դեսպանատան վրա հարձակում է կա-
տարվել: 50 տարեկանին մոտ տղամարդը
ներխուժել է շենք եւ ավտոմատից կրակ
բացել դեսպանատան աշխատակիցների
վրա: Դեպքի հետեւանքով զոհվել է անվ-
տանգության ծառայության պետը, վիրա-
վորվել է անվտանգության ծառայության
երկու անդամ: Հարձակվողը վնասազերծ-
վել է: Աղրեբջանական կողմը հարձակումը
համարում է ահաբեկչական գործողություն
եւ Թեհրանից պահանջում միջադեպի արագ
հետաքննություն:

Իրանի նախագահը հրամայել է համա-
պարփակ հետաքննել Թեհրանում Աղրեբջա-
նի դեսպանատան վրա հարձակման դեպքը:

ԳՐԱՆՑՎԵՑ ԳՐԵԹԸ

6 ՄԱԳՆԻՏՈՒՊՈՎ ԵՐԿՐԱՇԱՐԺ

Յունվարի 28-ի երեկոյան Իրանի հյու-
սիս-արեւմտյան մասում Արեւմտյան Ատր-
պատական նահանգի Խոյ քաղաքում, տե-
ղի ունեցած երկրաշարժի հետեւանքով տու-
ժածների թիվը հասել է 816-ի, երեքը զոհ-
վել են:

5,9 մագնիտուդով ստորգետնյա ցնցում-
ների էպիկենտրոնը գտնվել է Խոյ քաղա-
քից 23 կմ հարավ-արեւելք, որտեղ ապրում
է 175 հազար մարդ: Օջախը գտնվել է 7 կմ
խորության վրա:

ՌԻԿՐԱԻՆԱ

ՉՆԱՅԱԾ ՊԱՏԵՐԱԶՄԻՆ՝ ԵՐԿԻՐԸ ՄՆՈՒՄ Է ԱՊՐ ԿԱԶՄՈՒՄ

Ուկրաինան դե յուրե մնում է ԱՊՐ-ի կազ-
մում, սակայն դուրս է եկել Համագործակցու-
թյան շրջանակներում համաձայնագրերի և
պայմանավորվածությունների մոտավորա-
պես 20 տոկոսից: Այդ մասին հայտնեց ԱՊՐ
գլխավոր քարտուղար Սերգեյ Լեբեդեւը:

- Ուկրաինայի ղեկավարությունը որոշ-
ում է ընդունել դուրս գալ մի ամբողջ շարք
համաձայնագրերից. ԱՊՐ շրջանակներում,
նրանք համաձայնագրերի և պայմանավոր-
վածությունների շուրջ 20 տոկոսից դուրս
են եկել, քանի որ Ուկրաինայի ղեկավարու-
թյան կարծիքով, համրապետության մաս-
նակցությունն այդ համաձայնագրերին կորց-
րել է արդիականությունը, - ասաց Սերգեյ
Լեբեդեւը:

ԻՍՐԱՅԵԼ

ՀՐԱԶԳՈՒԹՅՈՒՆ՝ ԵՐՈՒՍԱԴԵՄԻ ՍԻՆԱԳՈԳՈՒՄ

Սինագոգի մոտ տեղի ունեցած հրաձ-
գության հետեւանքով, առնվազն 7 մարդ է
զոհվել, եւս երեքը ծանր վիրավորվել են
Արեւելյան Երուսաղեմում:

Իրավապահների տվյալներով, հարձակ-
վողը «վնասազերծվել է»: Կասկածյալը
սպանվել է ոստիկանների կողմից, երբ նա
փորձում էր փախչել դեպքի վայրից:

Ոստիկանության տվյալներով, հար-
ձակվողը եղել է Արեւելյան Երուսաղեմի
բնակիչ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԷԿՈՆՈՄԻԿԱ

ԼԱՇԱ ԽՈՒՑԻՇՎԻԼԻ. «ԵՐԿՆԻՇ ՏՆՏԵՍԱԿԱՆ ԱՃՆԱՐՏԱՅՑՎՈՒՄ ԵՆ ԵՎ ՉԲԱՐՎԱԾՈՒԹՅԱՆ ՄԱԿԱՐԴԱԿՈՎ»

(Սկիզբը՝ 1-ին էջում)

կոս, նախարարը նշեց, որ վերոնշյալ տնտեսական աճին զգալի ներդրում են ունեցել այնպիսի ոլորտներ, ինչպիսիք են շինարարությունը, վերամշակող արդյունաբերությունը, տրանսպորտը եւ պահեստավորումը, ֆինանսական եւ ապահովագրական գործունեությունը, առևտուրը, հյուրանոցներն ու ռեստորանները, թեև նվազման միտում է նկատվել անշարժ գույքի,

մասնագիտական, գիտատեխնիկական գործունեության եւ էլեկտրաէներգիայի, գազի, գոլորշու եւ օդորակման ոլորտներում: - Հատկանշական է, որ ավելցուկային արժեքի հարկ (ԱԱՀ) վճարող ձեռնարկությունների շրջանառությունը դեկտեմբեր ամսին ավելացել է ավելի քան 18 տոկոսով, ինչը բնականաբար անդրադարձել է նաեւ հարկային եկամուտների վրա: Այս տարի հունվարին արձանագրվել է հարկային եկամուտների 30 տոկոս աճ: Վրաս-

տանում արդեն երկրորդ տարին է՝ գրանցվում է երկնիշ տնտեսական աճ: Անցյալ տարի կարելի էր ներդրում է ունեցել արտահանման զգալի աճը, որն աճել է ավելի քան 30 տոկոսով, ինչպես նաեւ զբոսաշրջության վերականգնումը, որը 2019 թվականի ցուցանիշը գերազանցել է մոտ 7-8 տոկոսով: Բնականաբար, նշված ցուցանիշներն արտացոլված են նաեւ զբաղվածության արդյունքների վրա, - ասաց Լաշա Խուցիշվիլին:

ՆԵՐԿՈՒՄԱԿՑԱԿԱՆ

ԼԵՎԱՆ ԽԱՐԵԻՇՎԻԼԻՆ՝ «ՄԻԱՍՆԱԿԱՆ ԱԶԳԱՅԻՆ ՇԱՐԺՄԱՆ» ՆՈՐ ՆԱԽԱԳԱՀ

«Միացյալ ազգային շարժման» նախագահի ընտրություններում հաղթել է Լեւան Խաբեիշվիլին: Նա ստացել է ձայների 52,58 տոկոսը:

«Ընտրություններին գրանցված ընտրողների թիվը 49 638 է: Մասնակցել է 41 264 մարդ: Ընտրություններին մասնակցել է չորս թեկնածու՝ Նիկա Մելիան, Լեւան Խաբեիշվիլին, Գիորգի Մուսկաձեն եւ Նոնա Մամուլաշվիլին:

Ընտրական սուբյեկտների ձայների թիվը հետեւյալն է. Նոնա Մամուլաշվիլի՝ 1537 ձայն, որը կազմում է ձայների 3,73 տոկոսը, Նիկա Մելիա՝ 16,476 ձայն կամ 40 տոկոս, Գիորգի Մուսկաձեն՝ 1,516 ձայն կամ 3,68 տոկոս, Լեւան Խաբեիշվիլի՝ 21 656 ձայն կամ 52,58 տոկոս:



Քվեարկության ընթացակարգը մեկնարկել է հունվարի 28-ին եւ ավարտվել հունվարի 29-ի առավոտյան ժամը 10:00-ին:

Ընտրական գործընթացն իրականացվել է գաղտնի՝ բլոկ-չեյն սկզբունքով:

«Միասնական ազգային շարժում» ընդդիմադիր կուսակցության նախկին նախագահ, կուսակցության նախագահի ընտրություններում պարտված Նիկա Մելիան հայտարարել է, որ կուսակցությունից դուրս չի գա:

ԿԱՆԱԿԱՆՁԵ. «ԻՆՉՊԵՍ ՄԵԼԻԱՆ, ԽԱՐԵԻՇՎԻԼԻՆ ԵՎ ՇՈՒՏՈՎ ԿՅԵՌԱՑՎԻ ԱՅՍ ՊԱՇՏՈՆԻՑ»

«Վրացական երազանք» կուսակցության գլխավոր քարտուղար, Թբիլիսիի քաղաքապետ Կախա Կալաձեն, մեկնաբանելով Լեւան Խաբեիշվիլու «Ազգային շարժման» նախագահի ընտրվելու փաստը, հայտարարեց, որ Խաբեիշվիլին Կեզերաշվիլի-Մերաբիշվիլու կողմից ժամանակավոր նշանակված ենթակա է, ես վստահ եմ, որ նա շատ շուտով կհեռացվի այս պաշտոնից, ինչպես հեռացվեց Նիկա Մելիան:



Կախա Կալաձեի խոսքով, «Ազգային շարժումը» կուսակցություն է, որը հանրությանը ցույց է տվել, թե ինչպիսին պետք է չլինի իշխանությունը:

- Հիշում եմ, թե ինչպես էին վերաբերվում մեր երկրի բնակչությանը, եւ այսօր, երբ նրանք ընդդիմություն են, հանրությանը ցույց են տալիս, թե ինչպիսին չպետք է լինի ընդդիմությունը:

Դուք տեսաք, թե ինչ կեղտոտ մեթոդներով էին նրանք կռվում միմյանց հետ: Սա նրանց ձեռագիրն է: Անհմար է փոխել այս մարդկանց ու այս կուսակցության ոգին՝ իրենց գաղտնի ձայնագրություններով, միմյանց նկատմամբ վիրավորական հայտարարություններով: Սա իրենց գործն է, ես չեմ ուզում խառնվել նրանց կուսակցական գործունեությանը, թեև ակնհայտ է, որ այսօր Կեզերաշվիլի-Մերաբիշվիլին «Ազ-

գային շարժման» նախագահներ են,- ասաց Կախա Կալաձեն:

Իր հերթին, խորհրդարանի Սարգո իրավունքների պաշտպանության հանձնաժողովի նախագահ Միխեիլ Սարքվելաձեն մեկնաբանեց Լեւան Խաբեիշվիլու հայտարարությունը, թե «Ազգային շարժումը» պատրաստ է լքել խորհրդարանը, Սակրեբուլոն, եթե Միխեիլ Սաակաշվիլին ազատ արձակվի: Նա նշեց, որ Լեւան Խաբեիշվիլին խորհրդարանական գործունեությամբ զբաղվելու ոչ ցանկություն ունի, ոչ էլ կարողություն:

- Բոլորը պետք է հասկանան, որ պատգամավորի մանդատը նշանակում է կոնկրետ պարտականություն, եւ երբ դու դրա հետ առեւտուր ես անում կամ հրաժարվում դրանից, ճիշտ չէ,- ասել է Սարքվելաձեն:



ՏԱՐԵԿԱՆ ԳՆԱՃԸ ՆՎԱԶԵՑՄԱՆ ՄԻՏՈՒՄ ՈՒՆԻ



Ինչպես հայտարարեց Ազգային բանկի նախագահ Կորա Գվենետաձեն, Վրաստանում տարեկան գնաճը հաղթահարել է զազաթնակետը եւ նվազման միտում ունի: Միեւնույն ժամանակ, չնայած նվազմանը, գնաճը դեռ գերազանցում է նպատակային ցուցանիշը, եւ դեկտեմբերին այն կազմել է 9,8 տոկոս:

Ինչպես նշել է Կորա Գվենետաձեն, հաշվի առնելով ներկայիս անորոշության բարձր մակարդակը եւ գնաճային ռիսկերը, Ազգային բանկը տարվա ընթացքում կպահպանի խիստ դրամավարկային քաղաքականություն՝ համաձայն ընթացիկ կանխատեսման:

ՀԱՆՑԱԳՈՐԾՈՒԹՅՈՒՆՆԵՐԻ ԲԱՑԱՐԱՅՑՄԱՆ ՄԱԿԱՐԴԱԿԸ ԱՆՆԱԽԱԴԵՊ ԲԱՐՁՐ Է

Ներքին գործերի փոխնախարար Ալեքսանդրե Դարախվելիձեի խոսքով, անցյալ տարվա վիճակագրական տվյալների համաձայն, գրանցված հանցագործությունների բացահայտման մակարդակն աննախադեպ բարձր է եւ գերազանցում է 62 տոկոսը:

Ալեքսանդրե Դարախվելիձեն մանրամասն խոսել է նախարարության կողմից մշակված վիճակագրական տվյալների հրապարակման ժամկետների եւ բովանդակության ձեւի փոփոխությունների մասին:

ՏԱՐԱԴԱՐԱՄԻ ՓՈԽԱՆԱԿՄԱՆ ԿՈՒՐՍԸ (3 փետրվարի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.6474
1 ԵՎՐՈ	2.9087
100 ՌՈՒԲԼԻ	3.7793
1000 ԴՐԱՄ	6.6963

ՄՊԱՌՈՂԱԿԱՆ ՇՈՒԿԱ

ՎԱՌԵԼԱՆՅՈՒԹԻ ԷԺԱՆԱՑՄԱՆ ՄԻՏՈՒՄԸ ՇԱՐՈՒՆԱԿՎՈՒՄ Է

1 ԼԻՏՐ ԲԵՆԶԻՆԻ ՄԵԾԱՍՄԻՍ ԳԻՆԸ 1,85-1,90 ԼԱՐԻ Է

Ինչպես արդեն հաղորդել ենք, վառելանյութի համաշխարհային շուկայում նկատվել է գնամկում ու պայմանավորված է վառելանյութի համաշխարհային շուկայում տեղի ունեցող փոփոխություններով, մասնավորապես՝ ռուսական նավթամթերքների գնի սահմանափակումներով:

Վառելանյութի գնանկումն հատկապես ակնհայտ է գալիս փոքր եւ միջին բենզալցման կայաններում, որտեղ, ներկա դրությամբ, 1 լիտր բենզինի արժեքը մոտենում է 2 լարիին:

Ինչպես արդեն նշեցինք, բենզինի մեծածախ շուկայում 1 լիտրի գինը կազմում է 1,85-1,90 լարի: Հետեւաբար, այդ արժեքը կարճ ժամանակում կվավերացվի նաեւ մանրածախ ցանցում:

Ինչպես նշում են վառելանյութ ներկրող ընկերությունները, ամենայն հավանականությամբ, գնանկումը կշարունակվի, թեև տարակուսանք են հայտնում այն կապակցությամբ, որ գնանկումը հիմնականում ներկայացված է փոքր եւ միջին բենզալցակայաններում եւ ոչ թե բենզոլային կայաններում:

- Ներկա դրությամբ, Վրաստանում վառելանյութի գինը նվազել է, ինչը պայմանավորված է գլոբալ գործոններով: Դրան նպաստել է նաեւ ազգային տարադրամի

ուժեղացումը: Այսօր մանրածախ շուկայում 1 լիտր բենզինի գինը տատանվում է 2,10-2,20 լարիի սահմաններում, իսկ մեծածախ շուկայում բենզինը կարելի է գնել 1,85-1,90 լարիով,- հայտարարեց վառելանյութի ներկրման «Սենտա» ընկերության հիմնադիր Զաալ Իսկոբիձեն եւ հավելեց, որ վառելանյութի նվազեցման միտումը վավերացվել է միայն փոքր եւ միջին բենզալցման կայաններում:

- Ինձ համար անհասկանալի է, թե ինչու բենզոլային կայաններում սպառողական գինը մնում է բարձր, առավել եւս, երբ նրանք էլ վառելանյութը գնում են մեծածախ շուկայում,- հայտարարեց Զաալ Իսկոբիձեն:

Նրա հայտարարությամբ, այսօրվա դրությամբ, վառելանյութը հիմնականում ներկրվում է Ռուսաստանից, այն էլ՝ բավական ցածր գներով:

- Շուկայում ստեղծված իրավիճակը, գների նվազեցումը պայմանավորված է հենց

այդ գործոնով,- նշեց Զաալ Իսկոբիձեն ու հավելեց, որ առաջիկա շաբաթներին գնանկումը կշարունակվի, քանի դեռ նավթամթերքների գլոբալ շուկայում իրավիճակը չի փոխվել:

Գլոբալ առևտրական խմբի ղեկավար Վանո Մթվրալաշվիլին հանդգնած է, որ վառելանյութի գնանկումը առաջիկայում էլ կշարունակվի, քանի դեռ միջազգային վառելանյութի շուկայում նավթամթերքի գինը ցածր մակարդակի վրա է:

- Շուկայական գինը նվազում է, ինչին ավելանում է նաեւ ազգային տարադրամի գործոնը: Ակնհայտ է, որ վերջին ժամանակներում լարիի կուրսը բավական ամրացել է: Այդ երկու գործոնները, այսինքն՝ լարիի ամրապնդումն ու վառելանյութի էժանացումը պայմանավորեցին վերջին ժամանակներում վառելանյութի գնանկումը,- հայտարարեց Վանո Մթվրալաշվիլին եւ հավելեց, որ, ցավոք, վերոնշյալը նկատվում է միայն փոքր եւ միջին բեն-



գալցակայաններում:

Նշենք, որ վերջին տասը տարիների ընթացքում, 2022 թվականին Վրաստան ներկրվել է նավթի եւ նավթամթերքների ռեկորդային ծավալ: Մասնավորապես, ներկրվել է 1150,3 հազար տոննա բենզին եւ դիզվառելիք, ինչը 1,6 հազար տոննայով գերազանցում է նախորդ տարվա համապատասխան ժամանակամիջոցի ցուցանիշը:

Նավթամթերքներ ներկրողների միության տեղեկատվությամբ, 2022թ. Վրաստան է ներկրվել 607,4 հազար տոննա բենզին եւ 542,9 հազար տոննա դիզվառելիք: ՍԻՄՈՆ ԿԻԼԱԶԵ

ԵՎՐԱՅԱՆՁՆԱԺՈՂՈՎԻ ԶԵԿՈՒՅՑԻՑ

ԵՎՐԱՄԻՈՒԹՅԱՆ ԱՆԴԱՄԱԿՑՈՒԹՅԱՆ ՀԱՄԱՐ ՎՐԱՍՏԱՆԻ ԸՆԴՀԱՆՈՒՐ ՊԱՏՐԱՍՏՎԱԾՈՒԹՅԱՆ ՄԱԿԱՐԴԱԿԸ ԲԱՎԱԿԱՆ ԲԱՐՁՐ Է

(Սկիզբը՝ 1-ին էջում)

տական ներքին ֆինանսական վերահսկողությունը միջազգային չափանիշներին համապատասխան մշակելու եւ Եվրամիության պետական ներքին ֆինանսական վերահսկողության պահանջները բավարարելու համար:

Ընկերությունների իրավունքի ոլորտի գնահատման մեջ նշվում է, որ չնայած Խորը եւ համապարփակ ազատ առեւտրի գոտին աջակցել է բազմաթիվ ոլորտներում ԵՄ օրենսդրության հետ աստիճանական համապատասխանեցման սկզբնական քայլերին, անհրաժեշտ են հետագա ջանքեր, հատկապես երբ խոսքը նորագույն օրենսդրությանը մասին է:

Ինչ վերաբերում է մրցակցային քաղաքականությանը, ապա, ըստ Եվրահանձնաժողովի, Վրաստանը մրցակցային քաղաքականության ոլորտում նախապատրաստման վաղ փուլում է: Երկիրը պետք է շարունակի այս ոլորտում օրենսդրական դաշտի հետագա հարթեցումը:

Եվրահանձնաժողովի տվյալներով, Վրաստանը որոշակի պատրաստվածություն ունի սպառողների պաշտպանության եւ հանրային առողջության ոլորտում:

Առանձին գնահատականը վերաբերում է թվային տրանսֆորմացիային եւ լրատվամիջոցներին, որտեղ նշվում է, որ Վրաստանն ունի որոշակի պատրաստվածություն տեղեկատվական հասարակության եւ լրատվամիջոցների ոլորտում: Այն որոշ

քայլեր է ձեռնարկել իր օրենսդրությունը ԵՄ օրենսդրությանը համապատասխանեցնելու համար:

Եվրահանձնաժողովի տվյալներով, Վրաստանը հարկային դաշտում որոշակի պատրաստվածություն ունի: Քայլեր են ձեռնարկվել ԱԱՀ եւ ակցիզային օրենսդրությունը ԵՄ օրենսդրությանը համապատասխանեցնելու ուղղությամբ: Ուղղակի հարկման օրենսդրությունը պետք է համապատասխանի ԵՄ օրենսդրությանը եւ միջազգային լավագույն փորձին: Եվրահանձնաժողովի տվյալներով, Վրաստանը չափավոր է պատրաստված տնտեսական եւ դրամավարկային քաղաքականությանը առնուժուժ: Ինչ վերաբերում է դրամավարկային քաղաքականությանը, ապա Վրաստանի Ազգային բանկը արդյունավետ կառույց է: Նրա անկախությունը երաշխավորված է սահմանադրությամբ, օրենսդրությամբ եւ հաստատված գործնականում:

Գնահատելով սոցիալական քաղաքականության եւ զբաղվածության ոլորտը՝ զեկույցում նշվում է, որ աշխատանքային օրենսդրության ոլորտում Վրաստանն ընդունել է օրենսդրություն բոլոր ութ հրահանգների վերաբերյալ, որտեղ պարտավոր է ներդաշնակեցնել ԵՄ օրենսդրությանը: Վրաստանը հաստատում է, որ լավ է հասկանում ԵՄ օրենսդրությունը աշխատանքային իրավունքի շատ ոլորտներում:

Ինչ վերաբերում է գենդերային հավասարությանը զբաղվածության եւ սոցիա-

լական քաղաքականության մեջ, հիմնական ինստիտուտը եւ դրույթները առկա են գործող օրենսդրության մեջ: Օրենսդրության մեջ կան գենդերային հավասարության ընդհանուր կանոններ:

Եվրահանձնաժողովի տվյալներով, Վրաստանը չափավոր պատրաստվածություն է ցուցաբերում կրթության եւ մշակույթի ոլորտում: Վրաստանի կրթական համակարգը հիմնականում համահունչ է Եվրամիության նպատակներին:

Եվրահանձնաժողովի գնահատմամբ, Վրաստանը չափավոր պատրաստվածություն ունի մաքսային միության ոլորտում: Առանձնահատուկ նշանակություն ունի ՏՏ ոլորտում վարչական կարողությունների հզորացումը: Եվրահանձնաժողովի տվյալներով, Վրաստանը որոշակի պատրաստվածություն ունի տրանսպորտային քաղաքականության ոլորտում: Երկրին անհրաժեշտ է տրանսպորտային օրենսդրության հետագա համաձայնեցում, կիրառում բոլոր ոլորտներում եւ իշխանության բոլոր մակարդակներում:

Եվրահանձնաժողովը էներգետիկ ոլորտը գնահատելիս գրում է, որ Վրաստանը էներգետիկայի ոլորտում որոշակի պատրաստվածության մակարդակ ունի:

Եվրահանձնաժողովի տվյալներով, Վրաստանը գտնվում է գյուղատնտեսության եւ գյուղական շրջանների զարգացման ոլորտում նախապատրաստման վաղ փուլում: Վրաստանը պետք է լիովին համապատասխանի ԵՄ օրենսդրությանը

գյուղատնտեսության, գյուղական զարգացման ոլորտներում եւ ստեղծի կառույցներ, համակարգեր եւ վարչական կարողություններ, որպեսզի կարողանա այն արդյունավետ կիրառել:

Եվրահանձնաժողովի տվյալներով, Վրաստանը որոշակի մակարդակի պատրաստվածություն ունի սննդամթերքի անվտանգության, անասնաբուժական եւ բուժասանիտարական քաղաքականության ոլորտում: Օրենսդրական մերձեցման եւ արդյունավետ կիրարկման միջեւ անջրպետը մեծացնելու վտանգ կա:

Ըստ Եվրահանձնաժողովի տվյալների, Վրաստանը գտնվում է տարածաշրջանային քաղաքականության ոլորտում նախապատրաստման վաղ փուլում: Տարածաշրջանային քաղաքականության իրավական դաշտը ԵՄ օրենսդրության հետ առավել ներդաշնակեցնելու համար անհրաժեշտ է արդյունավետ իրականացնել այդ քաղաքականությունը:

Եվրահանձնաժողովի տվյալներով, Վրաստանը չափավոր է պատրաստված արտաքին հարաբերություններին ոլորտում: Այն ունի լավ վարչական կարողություններ՝ կառավարելու արտաքին առևտրային հարաբերություններում ստանձնած պարտավորությունները եւ որպես Առևտրի համաշխարհային կազմակերպության անդամ, նա արդեն հետևում է հիմնական բազմակողմ առևտրային համաձայնագրերին, որոնց հետևում է նաեւ ԵՄ-ը:

ՀԱՐՑՈՒՄ

ԿԱՌԱՎԱՐՈՂ ԹԻՄԻ ԵՎ ԸՆԴԴԻՄՈՒԹՅԱՆ ՆԿԱՏԱՄԲ ԲՆԱԿՉՈՒԹՅԱՆ ԿՈՂՄԻՅՎԱՍՏԱՆՈՒԹՅԱՆ ՄԱԿԱՐԴԱԿԻ ՏԱՐԲԵՐՈՒԹՅՈՒՆՆ Է՛Ն ԱՎԵԼԻ Է ՄԵԾԱՅԵԼ



Ամերիկայի Ազգային-ժողովրդավարական ինստիտուտի (NDI) եւ CRRC-Վրաստանը հրապարակեցին դեկտեմբերի 3-ից մինչեւ դեկտեմբերի 20-ը երկրի ողջ տարածքում (բացառությամբ՝ բռնազավթված Աբխազիայի եւ Սամաչաբլո-յի) չափահաս բնակիչների շրջանում անցկացված հարցման արդյունքները: Հարցումը ներառում է ընդհանուր առմամբ 2 519 ավարտված հարցազրույց: Հարցման մեջ սխալի միջին սահմանը +/- 1,6 տոկոս է: NDI-ի հետազոտությունն իրականացվել է Միացյալ Թագավորության կառավարության աջակցությամբ:

Հարցման արդյունքներով, մշակված զեկույցի հեղինակների հավաստմամբ, NDI-ն ուսումնասիրում է հասարակական կարծիքը՝ օգնելու շահագրգիռ կողմերին հասկանալ եւ լուծել քաղաքացիներին հուզող խնդիրները՝ հիմնվելով ճշգրիտ, անաչառ եւ վիճակագրորեն հիմնավորված տվյալների վրա, եւ որի նպատակն է նպաստել քաղաքականության ու կառավարման ձեւավորմանը, որն ավելի հարմարեցված կլինի բնակչության կարիքներին:

ՎԱՏԱՀՈՒԹՅԱՆ ԲԿԵ՝ «ՎՐԱՑԱԿԱՆ ԵՐԱՋԱՆՔԻՆ»՝ 25, ԻՍԿ «ԱԶԳԱՅԻՆ ՇԱՐԺՄԱՆԸ»՝ 6 ՏՈԿՈՍ

NDI-ի նոր հետազոտության համաձայն, նախորդ հետազոտության համեմատ, ավելի շատ մարդիկ են հակվել կառավարող թիմի կողմը, թեեւ ավելացել է նաեւ այն մարդկանց թիվը, ովքեր կարծում են, որ Վրաստանում ոչ մի կուսակցություն չի ներկայացնում ժողովրդի շահերը:

Վրաստանում ո՞ր կուսակցությունն է ավելի մոտ ձեր հայացքներին՝ հարցին ի պատասխան հարցվողների 39 տոկոսն ասել է՝ ոչ մի կուսակցություն, 25 տոկոսը՝ «Վրացական երազանքը»: Պատասխանելուց հրաժարվել է 10, տատանվել է 7, «Միասնական ազգային շարժում»՝ 6, այլ կուսակցություններ՝ 13 տոկոսը:

Ինչ վերաբերում է երկրի քաղաքացիների շահերն արտահայտող կուսակցության մասին հարցին, ապա հարցման ենթարկվածների 31 տոկոսի պնդմամբ նման կուսակցություն կարող է համարվել «Վրացական երազանքը», 61 տոկոսը համոզված է, որ նման կուսակցություն գոյություն չունի, իսկ 6 տոկոսը հրաժարվել է պատասխանելուց:

Հիշեցնենք, որ 2022 թվականի օգոստոսին, հարցման ժամանակ նույն հարցի պատասխանները հետևյալն էին. այո՝ 39 տոկոս, ոչ՝ 56, չգիտեմ՝ 4, պատասխանելուց հրաժարվել է 2 տոկոսը:

Հարցման համաձայն՝ քաղաքացիների մեծ մասը դեռևս քաղաքականապես կողմնորոշված չէ:

ԲԱՐՁՐ ԳՆԱՀԱՏԱԿԱՆ՝ ՎԱՐՉԱՊԵՏԻ ԳՈՐԾՈՒՆԵՐՈՒԹՅԱՆԸ

Ամերիկյան ազգային ժողովրդավարական ինստիտուտի կողմից անցկացված հարցման արդյունքներ-

րով, վարչապետի գործունեությունը դրական է գնահատել հարցման ենթարկվածների 67 տոկոսը: Հակադիր կարծիքն ուներ հարցման ենթարկվածների 27 տոկոսը:

Նույն հարցման արդյունքներով, 51 տոկոսը գտնում է, որ կառավարության գործունեությունը բավարար է՝ ի տարբերություն 39 տոկոսի կարծիքի:

ԵՎՐԱՄԻՈՒԹՅԱՆ ԱՆԴԱՄԱԿՑՈՒԹՅԱՆ ԱԶԱԿՑՈՒԹՅՈՒՆԸ ՄԵԾԱՑԵԼ Է

Ամերիկայի Ազգային-ժողովրդավարական ինստիտուտի եւ CRRC-Վրաստանի կողմից հրապարակված հետազոտության համաձայն, Եվրամիության աջակցությունը հասել է 81 տոկոսի, ինչը, ըստ հետազոտության հեղինակների, վկայում է նրա մասին, որ Վրաստանի քաղաքացիները հավատարիմ են մնում Եվրոպական ինտեգրմանը:

Նման միտում կա նաեւ ՆԱՏՕ-ի հետ կապված՝ բնակչության մեծամասնությունը (73 տոկոսը) կողմ է Վրաստանի անդամակցությանը Հյուսիսատլանտյան դաշինքին (ՆԱՏՕ):

ԳԵՐԱԿՇՈՒՄ Է ԼԱՎԱՏԵՍԱԿԱՆ ՏՐԱՍՎԱՐՎԱԾՈՒԹՅՈՒՆԸ

Ամերիկյան ազգային ժողովրդավարական ինստիտուտի հարցումը ցույց տվեց, որ հարցման ենթարկվածների 44 տոկոսը լավատեսորեն է նայում վաղվ աօրվան, 37 տոկոսը այդ հարցում հստակ կողմնորոշում չունի, իսկ 17 տոկոսի կարծիքով, իրավիճակը կբարդանա:

Հատկանշական է, որ հարցման արդյունքներով, 31 տոկոսը երկրի զարգացման ընթացքը համարում է դրական, 26 տոկոսը՝ բացասական:

Հարցման արդյունքները ցույց տվեցին, որ երկրի բնակչության գլխավոր մտահոգությունը սոցիալ-տնտեսական հիմնախնդիրներն են: Հարցման ենթարկվածների 39 տոկոսի համոզմամբ, գլխավոր հիմնախնդիրն աղքատությունն է, 35 տոկոսի կարծիքով՝ արժեզրկումն ու գների աճը, 34 տոկոսի կարծիքով՝ գլխավոր հիմնախնդիրը գործազրկությունն է եւ աշխատատեղերի քիչ քանակը: Հարցման ենթարկվածների 33 տոկոսը գլխավոր բարդությունը համարում է քրեական իրավիճակը, իսկ 21 տոկոսն իրեն անպաշտպան է զգում քաղաքական անկայունության պատճառով:

ՄԱՐՏԱՀՐԱՎԵՐՆԵՐ, ՈՐՈՒՔ ԱՆՀԱՆՎԱՏԱՑՆՈՒՄ ԵՆ ՎՐԱՍՏԱՆԻ ԲՆԱԿԻՉՆԵՐԻՆ

Ամերիկայի Ազգային-ժողովրդավարական ինստիտուտի եւ CRRC-Վրաստանի կողմից հրապարակված հետազոտության համաձայն, գոյություն ունեցող տնտեսական մարտահրավերների լուսի ներքո Վրաստանի բնակչությունն ամենաշատն անհանգստացած է գնաճով, գործազրկությամբ, աղքատությամբ եւ ցածր աշխատավարձերով. այլ մարտահրավերները նույնիսկ մոտ չեն այս ցանկին:

Յուրաքանչյուր երկրորդ քաղաքացի կարծում է, որ Վրաստանի տնտեսությունը գտնվում է վատ վիճակում, թեեւ մեծամասնությունը (51 տոկոս) կասկածում է, որ Վրաստանի կառավարությունը կարող է լուծել տնտեսական խնդիրները: Յուրաքանչյուր հինգերորդ քաղաքացի մտածում է առաջիկա 12 ամսում արտագնա աշխատանքի մեկնելու մասին եւ հեռանալ ցանկացողների թիվը հատկապես մեծ է մինչեւ 50 տարեկան տարիքային խմբում. նրանցից գրեթե յուրաքանչյուր երրորդը մտածում է արտագաղթի մասին:

Ձեկույցի հեղինակների համոզմամբ, որոշումներ կայացնողներն ու քաղաքական կուսակցությունները պետք է կենտրոնանան այն փաստի վրա, որ թանկացումները շատ ծանր ազդեցություն ունեն բնակչության մեծամասնության վրա: Էական է, որ էկոնոմիկան պետք է լինի ցանկացած քաղաքական գործչի եւ որոշում կայացնողի օրակարգի առաջին տեղում: Ակնայտ է նաեւ, որ բնակչության զգալի մասը գտնվում է ծանր տնտեսական իրավիճակում, այդ իսկ պատճառով, եթե քաղաքական կուսակցությունները ցանկանում են վերականգնել վստահությունը բնակչության շրջանում, պետք է կենտրոնանան ժողովրդի համար կարելի հարցերի վրա:

Էջը պատրաստեց ՅՈՒՐԻ ՊՈՂՈՍՅԱՆԸ